

AD QVODLIBETARIAM

QVÆSTIO MEDICA, AGITANDA IN SCHOLIS MEDICORVM, DIE IOVIS XIX. IANVARIÏ, D.
IACOBO CARPENTARIO, DOCTORE MEDICO, PROFESSORE REGIO, MODERATORE PRVDENTISSIMO.

66

An omni dyspnœæ eadem remedia?

ANIMANTIVM vita, actionumque integritas, cum salutaris caloris presentia contineatur, ut interitus earumque labes absentia, exemplo dilapsus vaneferet, nisi aëris qualitate (non enim substantia indigus) quasi focillatus, retineretur. Hanc primum molitur respiratio, pulsi analogos, animalis spiritus fomes unicus, ne piscibus quidem, aut feribus utero coërcitis denegata, constanti rataque aure vitalis acceptione redditioneque, in numerum vices alternante. Quarum altera, thoracem pulmonemque, ut dolore, ita ex sese omni mobilitate cassum, tanquam stabellum, vento faciendo additum cordi, abscissibus plerumque extuberanti, animabili spirabilique natura complet. Altera, motu natæ ducit vasa, eosdem deplens, fumum fuliginemque aspera arteria, velut spiramento quodam, exhalat. Deinde perspiratio, prestantioribus animalibus, nedum infectis ad vitæ fructum sufficiens, raptio per hiantium vasorum ad cutem pertinentium oscilla, aëre, cordis calore mebulentem ventilat atque conseruat.

RESPIRATIO, non magis vnius partis actio, quam deiectio. Alia ad naturam accomodata, quæ ut facultatis animalis firmitudinem atque constantiam, instrumentorum sequacem promptitudinem, vixus & utilitatis moderationem resistatur: sic in omnibus morbis sanctam felicemque dat significationem. Alia nature contraria, quæ etsi partem affectam sola non designat, tamen aliquot, aliquodve horum lesum ostendit: eaque partim febriles & acutos morbos comitatur: cuiusmodi est frequens, dolorem, aut partium infra, supraue diaphragma sitarum incendium arguens: magna rara, oscitationis & singultus presentissimum remedium, delirij symptoma perpetuum, frigida ex ore & naribus prodians, funeris procuracionem indicens, luctuosa & illidens ingruentem conuulsionem: partim vero febre est libera.

HVIUS generis est dyspnœa, id est mediocri spiritus densitas, qui si increbescat, cum suspirio stertoreaque argutatione, perniciofa quidem illa in morbis, aponia tamen & apnœa securior, in asthma, alteram difficilis respirationis speciem degenerat: sin autem ingrauescat ita, ut non nisi ruda ceruice, ex imo cieri possit, orthopnœa naturam induit. Hæ autem maioris minorisque tantum ratione differunt: causarum vero similitudine consentiunt. Namque vel à crudo phymate, congestionis sobole (quod repente non strangulat, ut nec empyema, in perpetua doloris vacuitate positum, nec catarrhus) respirationis loca vacua occupante, vel à pertinacibus lentisque humoribus, spiritus aditus abiitque intercludentibus, oriuntur. Quamquæ & tumores partium, quæ cum thorace societatem inierunt, & vertebrarum costarumque luxatio, pectorisque conformatio pteryges, necessario densam parvamque spirationem, si cum indolentia: sin minus, eandem quoque, sed sponte nostra, inducant.

CRVDI tuberculi, quod leuibus pulmonis arteriis adnascitur, etsi gliscente tempore, aëras premat mole sua, certa habetur significatio, ex repentina sine stertore sputationeque spirandi difficultate. Viscorum autem crassorumque humorum, quibus pulmo præter cætera aperi solet, adest suspirio, si inter anime ductionem, strepitus cum stertore sit coniunctus. Catarrhi vero, siue à cerebro, siue à vicinia destillet, sumitur argumentum à subita spiritus difficultate, angustie sensum inferente. Puris etiam indicium est granitas, in thorace ex pleuritide superstes, aut fluctuatio, aut antea cta levis spiritio. Ut autem dyspnœa diutius protrahi potest, si asthma orthopnœaque repente iugulum petunt, senibus & pueris, quam iuuenibus, magis familiares affectus: unde aut nunquam curantur, aut vix salutarem manum admittunt: sic enim qui gibbi sunt ex asthmate, in quo non necessario vires labant & residendi, ut in peripneumonia, cupido pessima, antequam ex ephelis excefferint, moriuntur.

HARVM affectionum curatio nonnihil commune, nonnihilque proprium habet. Ac commune quidem est ut humores vitium facientes purgentur: proprium vero crassus, ut admixtis mollioribus medicamentis attenuentur & detergeantur. His vero qui tuberculum faciunt, aut abscessum, ut attenuentur & desiccetur, usurpatis etiā aromatis, quibus imprimis inuatur: victus robig, nec tenuis, nec luxurians, calidior tamen & siccior: vinum tenue, dulcissimum, paucum in abscessu, copiosum in viscosis humoribus, nisi si irruat catarrhus: Tum enim vene sectione, clysteribus & aliis reuellentibus imminens strangulatio declinanda. Quod si à catarrho nullus adfit metus, ut rubea euacuatio prodest, quarum alteram precedere debet preparatio, per Squillam, Dracontium, Tussilaginem, deinde adhibenda bechica, suffusus ex sulphure, arrhenico: Thorax admotis calfaciendis & laxandus. Quæ si inefficacia sint, Pyroticis, Dropace calor excitandus, humor foras euocandus, nonæ fluxionis præcindenda occasio.

Ergo non omni dyspnœæ eadem remedia.

PONEBAT MARTINVS AKAKIA LVTTETIANVS. ANNO DOMINI, 1570.

DOMINI DOCTORES DISPVATVRI.

M. Nicolaus Picart.
M. Ioannes Le Comte.
M. Claudius Rouffeler.

M. Claudius Baillyf.
M. Stephanus Gourmelen.
M. Ioannes Liebault.

M. Ioannes Le Gay.
M. Christophorus Bauduyn.
M. Ioannes Le Vasseur.

